



Obraćanje prvog zamjenika visokog predstavnika i supervizora za Brčko Michaela Scanlana

Dame i gospodo,

Čast mi je i zadovoljstvo biti danas ovdje i zajedno s vama proslaviti Dan Distrikta Brčko. Posebno bih želio zahvaliti gradonačelniku Miliću i zamjeniku gradonačelnika Domiću, kao i predsjedavajućem Kadriću, zamjeniku predsjedavajućeg Filipoviću i brojnim stanovnicima Brčkog, koje sam imao priliku sresti u posljednjih nekoliko dana i koji su mi poželjeli srdačnu dobrodošlicu.

Također vas uvjeravam da svoje dužnosti u svojstvu supervizora za Brčko uzimam veoma ozbiljno i da sam se u pripremama za dolazak sastao sa svim supervizorima, sve do Raffija Gregoriana.

Zajednička poruka koju sam čuo na svim sastancima bila je da Brčko ima sve elemente da bude priča o dugoročnom uspjehu, ali mi je također rečeno da je vlastima u Brčkom ostalo uraditi još puno toga. Stoga su moja očekivanja od vodećih ljudi u Brčkom zasnovana upravo na tim informacijama.

U Washingtonu sam imao priliku sastati se s predsjedavajućim arbitrom za Brčko, veleposlanikom Clintom Williamsonom, koji će nešto kasnije ove godine posjetiti Brčko, i koji me je zamolio da vam prenesem čestitke na ovom posebnom danu. Naravno, danas je i Međunarodni dan žena, pa čestitam i Brčankama i želim im sve najbolje.

Ova obljetnica istodobno je i prilika da još jednom afirmiramo svoje opredjeljenje za izgradnju bolje budućnosti za Brčko, koja će osigurati povoljno okružje za podizanje obitelji, za osiguravanje pristojne plaće, za život u dostojanstvu i sigurnosti, nešto što su žene u našim društvima uvijek najglasnije zagovarale.

Ključ je u unapređenju finansijske stabilnosti, učinkovitosti i odgovornosti vladinih institucija u Brčkom, jer će se tako osigurati pouzdane javne usluge i predvidljivo poslovno okružje. Poduzeća, bilo da su domaća ili strana, biraju gdje će se locirati, a samim tim i koje će sredine profitirati od radnih mjeseta koje će ta poduzeća otvoriti, odnosno poreza koje one plaćaju. Zato je usvajanje proračuna za 2019. godinu još u ovom mjesecu imperativ da bi se

nastavilo s pružanjem javnih usluga u Distriktu i da bi se u Brčkom otvorilo još tvrtki ili da bi postojeće proširile svoje poslovanje. U tom smislu, uvođenje fiskalnih kasa do kraja lipnja podržat će borbu protiv sive ekonomije, ojačati vladavinu prava i donijeti više prihoda za javne usluge te uveliko pobiti argumente onih koji bi htjeli osporiti koeficijent za raspodjelu prihoda od neizravnog poreza koji je dodijeljen Brčkom. Konačno, usvajanje poboljšanog zakona o proračunu još ove jeseni rezultirat će boljom fiskalnom disciplinom, transparentnošću i odgovornošću u trošenju javnih sredstava.

Razvoj infrastrukture, bilo da je cilj osiguravanje boljih javnih usluga ili novih ekonomskih šansi, također je od ključne važnosti za ostvarivanje veće ekonomске dobiti, koja je puno veća od samih građevinskih projekata. Sve u svemu, ovi projekti su presudni za ekonomski razvoj Brčkog i kao takvi služe kao katalizator za prosperitet njegovih građana.

Ako Brčko uradi svoj dio posla, a to je poenta ovog govora, međunarodna zajednica će biti njegov partner. Imate pravo, štovиše, dužnost prema sebi i svojoj zajednici, apelirati na svoje izabrane liderе i javne zvaničnike da rade na postizanju kompromisa koji će omogućiti postizanje dogovora o politici i projektima koji koriste zajednici, te ih nagraditi svojom potporom ako to urade, što je također važno. Ja sam tijekom sastanaka bio impresioniran vašim liderima i njihovom spremnošću da se pozabave žurnim pitanjima koja sam spomenuo, s ciljem daljeg razvoja Distrikta. Radujem se što ću imati priliku raditi zajedno s njima i pružiti potporu njihovim naporima na tome da Brčko postane još bolje mjesto za svoje građane.

Hvala i još jednom: čast je i zadovoljstvo biti ovdje u Brčkom.